

Silami arsaannermik unammersuarnermi malittarisassat 2017

§ 1

Atia aaqqissorneqarneralu

Inersimasunut inuusuttunullu pissartangorniunnerit atiat tassaavoq “*Arsaannermi GM*” meeqqanullu “*Arsaannermi Cup*”

Kalaallit Nunaanni Arsaattartut Kattuffiannit pissartangorniunnissat nalunaarutigineqartassapput aaqqissorneqarlutillu kattuffiup inatsisaani § 2 naapertorlugu.

Stk. 2: Aningaasaliisartunik soqutiginnitsiniarluni unammiaarnerit suliffeqarfiup aningaasaliisup aqqa unammersuaarnernut atsiunneqarsinnaavoq, soorlu “GBU BankNordik GM”.

§ 2:

Arsaannermi Cup aamma Arsaannermi GM – ukiuat aamma peqataasut ukiuinut immikkoortiternerat

Stk. 1 Arsaannerni Cup- aamma Arsaannermi GM ukiumi tassani ingerlasumi ingerlanneqassaaq.

Stk. 2: Meeqqat CUP aamma Arsaanneq GM-imi ukioqassutsit makkua atorneqassapput

1. Angutit inersimasut ukiumi pissartangorniuffimmi 16-inik ukioqalersuussapput (meeraanerpaaq ukioq 2001 inungorsimassaaq)
2. Arnat inersimasut ukiumi pissartangorniuffimmi 15-inik ukioqalersuussapput (meeraanerpaaq ikioq 2002 inungorsimassaaq)
3. U-21 ukiumi unammersuarfimmi annerpaamik 21-inik ukioqalertussaassapput
4. U-19 ukiumi unammersuarfimmi annerpaamik 19-inik ukioqalertussaassapput
5. U-17 ukiumi unammersuarfimmi annerpaamik 17-inik ukioqalertussaassapput
6. U-15 ukiumi unammersuarfimmi annerpaamik 15-inik ukioqalertussaassapput
7. U-13 ukiumi unammersuarfimmi annerpaamik 13-inik ukioqalertussaassapput
8. U-11 ukiumi unammersuarfimmi annerpaamik 11-inik ukioqalertussaassapput
9. U-9 ukiumi unammersuarfimmi annerpaamik 9-inik ukioqalertussaassapput
10. U-7 ukiumi unammersuarfimmi annerpaamik 7-inik ukioqalertussaassapput

Stk. 3 U-7, U-9, U-11 unammiaarnerit illoqarfimmi peqatigiiffiit akornanni imalunniit peqatigiiffiup iluani ingerlanneqartassapput.

Stk. 4 U-13 aamma U-15 nunap immikkoortuini unammiaarnerat ingerlanneqartassaaq.

Stk. 5 U-17, U-19 aamma U-21 aammalu inersimasunut (seniorer) GM ingerlanneqartassaaq angunniunneq periarfissaassalluni.

Stk. 6 Meeqqat umiumikkut inuuttoortut peqataasinnaapput aaqqissuisut qanimut isumaqatiginerisigut. Meeqqat unammiaarneri nukappiaqqanut niuarsiaqqanullu ataatsimut ammapput.

Stk. 7 Inersimasuni inuusuttunilu arsaattartut ukiumikkut inuuttoortut periarfissaqarput GBU-p siulersuisuinut allakkatigut immikkut qinnuteqarnikkut arsaateqataanissamik akuerineqarsinnaallutik.

Stk. 8 Peqatigiiffiit ilaasortanik nalunaarsornikut, kontingentimik peqataanissamullu akiliinikut unammiaarnernut peqataasinnaapput.

Stk. 9 Ukiumi atuuttumi unamiuaarnissat qassit aallunneqassanersut Kattuffiup aningaasaqarnera apeqqutaajuassaaq.

§ 3

Unammeqataasinnaatitaaneq

Stk. 1 Unammisaqattaarnerit akissarsiutigiginagu arsaattartunut ammapput. Arsaattartoq arsaannermi GM-imut / arsaannermi Cup-imut unammisaqattaarnermut peqataasinnaassaguni timersoqatigiiffimmut Kalaallit Nunaanni Arsaattartut Kattuffiannut ilaasortaasumut ilaasortaasariaqarpoq.

Stk. 2 Arsaattartoq peqatigiiffimmi unammeqataasinnaavoq minnerpaamik ullut 30-t ilaasortaasimaguni, ataanilu § 4-mi piumasagaatit naammassisimagunigit.

Stk. 3 Inuusuttut 17-nit aamma 21-it akornanni ukiullit peqatigiiffimmut allamut attartorneqarnikkut peqataasinnaapput nuunngikkaluarlutik, namminneq peqatigiiffitsik unammiaarnerni tassanerpiaq ilaasussaangippat. Taamaattorli takuuk 4 stk. 7.

§ 4

Peqatigiiffimmut allamut nuunneq

Stk. 1 Soorlu § 3-mi imm 2-mi taaneqareersoq arsaattartoq arsaannermi GM / arsaannermi Cup-imi unamminermi peqataasinnaassaguni peqatigiiffimmut ilaasortaasariaqarpoq. Arsaattartoq peqatigiiffimmut allamut ilaasortaanikuusimaguni peqatigiiffimmut ilaasortanngorniarfigisaminut arsaqataasinnaanermut uppernarsaat immersorsimasoq nassassavaa taamalu peqatigiiffimmut ilaasortanngorfigisaminut unammeqataasinnaangussalluni.

Stk. 2 Arsaqataasinnaanermut uppernarsaat tunniunneqassaaq arsaattartoq ilaasortaaffigini-kuusaminut ilaasortaanermut akiliummik akiitsugaqanngippat aammalu arsaannermi GM-imut / meeqqat Cup-ianut aallartittunut/ingerlasunut peqataalereersimanngikkuni. Arsaqataarnissamut uppernarsaat allanik patsisiliussaqaarluni tunniunnaveersarneqarsinnaanngilaq.

Stk. 3 Arsaqataasinnaanermut uppersarsaatip immersornerani ilaasortaaffigisimasap aqutsuisa atsiorminni ulluliussaat tassaassaaq ulloq arsaattartup ilaasortaajunnaarfia. Uppersarsaammi tassani peqatigiiffiup ilaasortanngorfigisap allassavaa qanga arsaattartop ilaasortanngornersoq. Uppersarsaat sukkulluunniit unammersuarnerni piumasarineqartillugu takutissinnaaneqartuassaaq.

Stk. 3a Arsaattartop piffissami ataatsimi peqatigiiffinnut marlunnet ilaasortaasinnaangilaq.

Stk. 4 Arsaattartop ilaasortaaffitoqqaminit imaluunniit Kalaallit Nunaanni Arsaattartut Kattuffianniit anisineqarsimasuussangilaq, aamma taamatut peqatiiffimmit sugaluartumit Kalaallit Nunaanni Timersoqatigiit Kattuffianni ilaasortaasumit.

Stk. 5 Arsaattartop annguniunnernut peqatigiiffimmut allamut ilaalluni peqataasimassangilaq. Annguniunnerit tassaasinnaapput unammeqqaarnerit (indledende runde) imaluunniit annguniunnerit (mellemrunde)

Stk. 6 Arsaattartut, nunatsinni inuit allattorsimaffianni nalunaarsorsimangitsut nunatsinni najugalittut, arsaanep GM / Cup-imut peqataasinnaapput peqatigiiffimmut kingullertut ilaasortaaffigisimasaminnut, aatsaalli qulaani piumasarisasut naammassisimagunikkut.

Stk. 7 Unammisartop inuusuttoq (17-21 ukiulik), peqatigiiffini ukioqatigiiaat arsaattartuinik peqanngippat, imaluunniit peqatigiiffia ukioqatigiiaanik taakkuninnga unammisaqattaarnernut GM-mut nalunaarsimangippat, peqatigiiffimmut allamut nuussinnaavoq tassanilu GM-mut annguniunnerni aamma/imaluunniit naggataarutaasumik unammisaqattaarnernut ilaasinnaaluni, peqatigiiffimmut tassunga ilaasortaasimangikkaluarluni soorlu § 3 imm. 2-mi allassimasutut. Taamaattorli § 4 stk. 4 aamm 5 atuupput.

§ 4a

Hash- aamma/imaluunniit doping-imut misissuineq

Stk. 1 Unammersuarnerup (aallarniutaasuni annguniunnerni aamma naggataarutaasuni) ingerlanerani hash- aamma/imaluunniit doping-imut misissuisoqarsinnaavoq. Kikkulluunniit nalaatsornikkut misissugassatut toqqarneqartut pisussaapput peqataanissaminnut. Arsaattartop misissortinnermut peqataajumangitsop unammersuarnerup sinnerani peqataasinnaajunnaarsinneqassaaq.

Stk. 2 Paasineqarpat arsaattartop misissugaq misissuinermit “positiv-iusoq” unammersuarnerup sinnerani peqataasinnaajunnaarsinneqassaaq.

Stk. 3 Arsaattartut marlunnik amerlanerusut “positiv-isutut” paasineqarpata, holdi tamarmi peqataasinnaajunnaarsinneqassaaq (antidoping-imut malittarisassat assigalugit).

Stk. 4 Arsaattartop imaluunniit arsaattartut arlallit hash-imik tigummiartutut paasineqassagaluarpata, GBU-p siulersuisui aalajangissapput arsaattartunut imaluunniit peqatigiiffimmut pillaat suna atorpeqassanersoq GBU-mi malittarisassani § 12 aamma § 13 najoqqutaralugit.

Stk. 4a Imm. 1 – 3-nut tunngatillugu GBU-mi siulersuisut aalajangiissapput arsaattartoq/-tut imaluunniit peqatigiiffik iliuserisimasanut qanoq kinguneqartitsissanerluni GBU-mi malittarissassani § 12 aamma § 13 naapertorlugit.

§ 4 b

Imigassamut aalakoornartulimmuk politikki

Stk. 1 GBU-p ataani aaqqissukkani peqatigiiffiup arsaattartullu ataasiakkaat akisussaaffigaat imigassamik aalakoornartulimmik atupilunngitsumik takutitsinissaq.

Stk. 2 Arsaattartoq arsaattartulluunniit arlallit anngunniunnerit pissartanngorniutivinneriluunniit nalaanni, naggataarnersiornermut attuumassuteqanngitsuni, isigineqarpata ersittumik aalakoortut, turneringsudvalgi pisinnaavoq GBU-mi siulersuisunut innersuussissalluni pil-laammik GBU-p malittarisassaani § 12 aamma § 13 najoqqutaralugit.

§ 5

Unamminerit ingerlanneqartarnissaat

Stk. 1 Piffiit unammiffiusussat piffissallu suussanersut Kalaallit Nunaanni Arsaattartut Kattuffianni unammisitsinermit ataatsimiititaliaanit aalajangersarneqartassapput.

Unammisaqattaarnissanut pilersaarussiaq avammut saqqummiunneqassaaq kingusinnerpaamik 31. januar. GBU-p siulersui-suisa timersoqatigiiffik Lokalunioniluunniit sorleq unamminermit aaqqissuisussaq toqqassavaa.

Stk. 2 Peqatigiiffik allannguutissanik kissaateqaruni kingusinnerpaamik 28. februar Kalaallit Nunaanni Arsaattartut Kattuffiannut allakkatigut saaffiginnissuteqareersimassaaq.

Stk. 3 Unammeqattaarnissanut pilersaarussiaq naammassisimasaq unammeqattaarnissanut ataatsimiititaliamit avammut saqqummiunneqassaaq kingusinnerpaamik 15. april, taannalu taamaallaat GBU-mi siulersuisunit allanngortinneqarsinnaassaaq.

Stk. 4 Unammiffissat piffissaq naapertorlugu ingerlanneqarsinnaasannikkaluarpata piaartumik aaqqissuisunit Kalaallit Nunaanni Arsaattartut Kattuffiat imaluunniit unammisitsinermit ataatsimiititaliaq atassuteqarfigineqassaaq kinguartitsinissaq anguniarlugu. Kinguartitsinnaanissaq taanna angallannermit ajornartorsiutinik arsaaffiulluunniit iluarsaattariaqarneranut peqquteqarsinnaapput.

Stk. 5 Unammisaqattaarnerit aallartinnginneranni unaminerni aqutsisussanik pilersitsisoqassaaq tassaniissallutik aaqqissuisussaniit toqqakkat 2, dommerinit toqqagaq 1 aamma GBU-p siulersuisunit toqqagaq 1, taanna taasaaq kingulleq illoqarfimmi unammisaqattaarfiusumiisappat. Unamminermit aqutsisuusut suliassarissavaat unammersuarnermit malittarisaat uku massakkut atuuttut tunngavigalugit isumaqatigiinngissutaasut aalajangersaavigissallugit.

Stk. 6 Unamminerit uppernarsarneqassapput elektronik atorlugu. Unamminermit aqutsisut dommerit suleqatigalugit uppernarsaanerit akisussaaffigissavaat. Unamminerit tuleriiaarnerisa allattorsimaffiat atorneqartusssaaq (program) GBU-mit tunniunneqassaaq.

Unamminerup sivilissusissaa:

Unamminerup sivilissusissaa, dommerip piffissamik ilanngussinera ilanngutissaaq:

Angutit U-17, U-19, U-21 aamma seniorer (11 mands) 2 x 45 min.

Arnat U-19, U-21 aamma seniorer (11 mands) 2 x 45 min.

Arnat U-17 (11 mands) 2 x 35 min.

U-15 angutit arnallu (8 mands) 2x35 min

U-13 nukappiaqqat niarsiaraqallu (akuleriissinnaapput nukappiaqqat unamminerini) (8 mands) 2x30 min

U-11 nukappiaqqat niarsiaraqallu (akuleriissinnaapput nukappiaqqat unamminerini) (8 mands) 2x25 min

U-7 aamma U-9 nukappiaqqat niarsiaraqallu (akuleriissinnaapput nukappiaqqat unamminerini) (5 mands) 2x15 min

5.5 Unitsiarneq (nikinnermi) sivilisunerpaamik 15 minuttinik sivilissuseqassaaq. Meeqqanut tunngatillugu unitsiarnerup (nikinnermi) sivilissusissaa aqqissuisunut isumaqatiggiisuteqarfiussaaq

§ 6

UNAMMINERMI ATISAT

Stk. 1 Unamminermi atisat unammeqatigiit atisaat assigiissuussapput. Målmandip atisai unammeqataasut allat atisaannit allaanerussapput, dommerit atisaat assiginagit.

Stk. 2 Kanaarnaveeqqutit pingitsoorani atorneqassapput. Dommerip paasiguniuk arsaattartup kanaarnaveeqquteqannginnera, arsaattartoq anisikkallassavaa arsaattartoq kanaarnaveeqquserernissaata tungaanut.

Stk. 3 Unamminissaq sioqqullugu naapeqatigiinnermi unammisussat atisami qalipaatisaat isumaqatigiissutigeriissavaat. Unammisussat atisaat assigiippata unamiartortutut taasat (programmimi kingulliullutik allaqqasut) pisussaapput allanik atisissallutik.

Stk. 4 qulaani stk. 3-imi piumasarisasut naammassineqarsimanersut unamminissaq kingusinnerpaamik ½ time dommeriusussap malinneqarsimanersaq qulakkiissavaa.

§ 7

Akissarsiat - Pokalit aamma ujammit il.il.

Stk. 1 Arsaannermi GM-imi unammeqattaarnermi ajugaasuusooq aappaagumi GM-ip tungaanut Kalaallit Nunaanni pissartatut taaneqarsinnaalissaaq.

Stk. 2 Arsaannermi GM-imi pissartannngortut Kalaallit Nunaanni Timersoqatigiit Kattuffiata pissartannngortunut akissarsiaritittagaa “TUUKKAQ” pissariarissavaat

Stk. 3 a Naggataarutaasumik arsaannermi Kalaallit Nunaanni Arsaattartut Kattuffiaaniit Arsaannermi GM-imi pissartannngortut Guld-imik, 2-nngortut Sølv-imik, 3-nngortullu Bronze-mik ujaminnatsinneqassapput.

Stk. 3 b Naggataarutaasumik arsaannermi ajugaasut, nr. 2-nngortut aamma nr. 3-nngortut sungiusaasoq ikiortaalu ujamminik tunineqassapput imatut agguarneqartunik:

- 11 mands (arsartut 20-t aqutsisullu 2) katillugit 22
- 8 mands (arsartut 16-it aqutsisullu 2) katillugit 18
- 7 mands (arsartut 14 aqutsisullu 2) katillugit 16
- 5 mands (arsartut 10 aqutsisullu 2) katillugit 12 alternativt: 5 mandsimi meeqqat unammiaaqataasut tamarmik diplom-imik ajumimillu pissarsissapput. (ajugaasoqassanngilaq ajorsartoqaranilu)

Stk. 4 Arsaannermi GM-imi pissartannngortut tamarmik pokalimik ingerlaartumik tapiisartut tunniuttagaanik pissarsisinnaapput. Ukiut tulleriiginnaat pingasut, imaluunniit tulleriinngikkaluamik katillugit tallimariarlugu pissarsiarisimaguniuk peqatigiiffimmit pigilivinneqartussaq.

Stk. 5 Arsaannermi GM-imi pissartannngortut tamarmik GBU-p tunniussaani pigilivigassaminnik pokalimik tunineqassapput.

§ 8

Dommerit

Stk. 1 Peqatigiiffik aallaqqaammut unamminerni aamma anngunniunnerni aqqissuisuususaq pisussaavoq Kalaallit Nunaanni Arsaattartut Dommeriisa Kattuffianni ilaasortanik dommerissarsiussalluni.

Stk. 2 Kalaallit Nunaanni Arsaattartut Dommeriisa Kattuffiat aamma Kalaallit Nunaanni Arsaattartut Kattuffiata isumaqatigiissutaat naapertorlugu pisussaavoq naggataarutaasuni unamminernut dommerissanik toqqaassalluni.

Stk. 3 Kalaallit Nunaanni Arsaattartut Dommeriisa Kattuffiata pisussaaffigaa naggataarutaasuni unamminernut dommeriutinniakkatik Kalaallit Nunaanni Arsaattartut Kattuffiannut akuerisassanngorlugit nassiatissagamigit unammisaqattaarnissat ullunik 30-nik sioqqullugit

Stk. 4 Dommerit naggataarutaasunik unamminerni sisamassaminnik toqqaasinnaapput (FIFA dommer), ilaatigut paarlaasussatut aammali arsaaffiup avataani pisussaafeqarluni najuuttusaq.

§ 9

Maalaaruteqarsinnaaneq

Stk. 1 Arsaannerup iluani anførerer dommeri arsaannerup inatsisaanik eqqortitsinngitsoq, dommerillu aalajangiineranik akerliliineq kinguneqarniassappat, aalajangiinerup kinguninngua dommerimut arsaattarfimmi maalaaruteqassaq.

Stk. 2 Tamatuma kingorna sungiusaasup lederilluunniit maalaarut allaganngorlugu Kalaallit Nunaanni unammersuarnermi ataatsimiititaliamut imaluunniit naggataarutaasumik unammersuarnermi ataatsimiititaliaannut akiligassartaanik akiliutigaluni ingerlateqqissavaa nalunaaquttap akunnerisa sisamat qaangiutinnginneranni

Stk. 3 Sunaluunniit maalaarutaasimasoq tunniunneqarnermini 500,- kr-ninik akiliuteqartinneqartassaaq.

Stk. 4 Kalaallit Nunaanni Unammersuarnermi ataatsimiititaliaq pisussaavoq maalaarut misorsluassallugu. Arsaannermi inatsisit eqqortinneqarsimanngippata, unammersuarnermi ataatsimiititaliap naammagittaalliortoq tapersersinnaavaa, imaluunniit naammagittaalliutigineqartoq itigartinneqarsinnaavoq.

Stk. 4 b Dommerip takusani malillugu siggaatigisimasaa pillugu naammagittaalliortoqarpat, nutaamik unamminissamik piunasaqartoqarsinnaanngilaq.

Stk. 5 Timersoqatigiiffiup aalajangigaq naammaginngikkuniuk Kalaallit Nunaanni Arsaattartut Kattuffiata siulesuisuinut ingerlateqqissinnaavaa.

§ 10

Unamminerit nalunaarutigineqarnissaat

Stk. 1 Kingusinnerpaamik unamminerup naammassineraniit nalunaaquttap akunneri 4 qaangiutsinnagit dommerip unamminerup inernera Kalaallit Nunaanni Arsaattartut Kattuffianut imaluunniit kattuffiup unammiffimmi nakkutilliisuutitaanut tunniutissavaa.

Stk. 2 Unammisussat pisussaataapput ullup unamminissap aallartinnissaa kingusinnerpaamik minuttinik 10-nik sioqqullugu dommerimut unammeqataasussat allattorsimaffiat sungiusaasumit imaluunniit taassuma ikiortaanit atsiorneqarsimasoq tunniutissallugu.

Stk. 3 Unammeqataasussat allattorsimaffianni aallartittussat atii aammalu paarlaasussat (sillimasut) qulingiluat, katillugit arsaaffimmi peqataasinnaatitaasussat 20-it. Siulersortip (anfører) atiata nalaatigut krydsilerlugu.

Stk. 4 Anngunniunnerni aamma naggataarutaasunik unamminerni unammisartut 20-it atorneqarsinnaapput anngunniunnerit aallartinninneranniit imaluunniit aamma naggataarutaasunik unamminerit ilanngullugit.

Stk. 5 Angutini, arnani aamma inuusuttuni unamminerimmi ataatsimi unammisut paarlaasussanik 5-nik taarserneqarsinnaapput.

Stk. 6 Dommeri imaluunniit “FIFA dommeri” pisussaapput paarlaassinerit allattussallugit.

Stk. 7 Arsaannermi malittarisassat atuuttut tassaapput “The International Football Association Board”-imi tamatigut akuerisaasimasut taakkualu nunani tamani atuuttuni akuerisaasut inatsisaat aalajangersagaallu.

b Cup-ini unamminerni meeqqanut angajullernut (U-13 U-15) malittarisassani atuuttuni “sakkukinnerusut” atuutsinneqassapput tamannalu pissappat aaqqissuisut dommerissatik unamminerit aallartitsi-nnagit kalerrittariaqarpaat. Takuuk § 15 imm. 7.

c Cup-ini unamminerni meeqqanut nukarlernut (U-7, U-9 aamma U-11) malittarisassani atuuttuni “sakkukinnerusut” atuutsinneqassapput. Tassunga tunngasut § 10 imm. 8-mi allassimapput.

Stk. 8 Cup-ini unamminerni meeqqanut nukarlernut arsaannermi malittarisassat “sakkukillilugit” atorineqassapput.

b Illummut nalussinermi (indkast) isikkap illua kivinneeqarsinnaavoq

c Arsaq arsaaffiup tunuatungaanut anisimasoq isimminneeqarsinnaavoq nunamut ileqqaarnagu.

d Ingerlaavartumik paarlaasarneq atorineqarsinnaavoq, paarlanneqartorlu arsaaffimmut iseqqis-sinnaatitaavoq. Paarlaaneq arsaannerup ingerlanerani sukkulluunniit pisinnaavoq.

e Off-side atortinneqassanngilaq.

f Pisariaqartitsineq naapertorlugu aamma malittarisassat allanngortinneqarsinnaapput. Takuuk § 15.7.

§ 11

Arsaattarfik

Stk. 1: 11 mands bane: Arsaaffiup FIFA-p inatsisai malissinnaavai, takissusaa minnerpaamik 90 m, aamma silissusissaa 45 m, killilersorneqassaarlugu arsaannermi inatsisini § 1-mi aalajangersakkat malil-lugit. Arsaattarfiit taammaattut amerlassusii killeqarmata Kalaallit Nunaanni Arsaattartut Kattuffiata siulersuisui pisinnaatitapput immikkut ittumik akuersissummik tunniussaqaqasallu-tik arsaaffiup qanoq issusia apeqqutaatillugu, tamannalu pisimasariaqarpoq unamminerup aallartinnginnerani.

Stk. 2: 8 mands bane: Arsaaffik sanimoorlugu atussavaat (unammisut 8-pata). Killilersorneeqarnissaa bilag 1-imi takuuk.

Stk. 3: 5 mands bane: Arsaaffiup affaata affaani baneqassaaq. Takuuk bilag 1.

§ 12

Arsat

Stk. 1 Aallarniutaasunik unamminerni peqatigiiffik aqqissuisusaaq pisussaavoq arsat atorneqartussat naammattut isumagissallugit.

Stk. 2 Naggataarutaasunik unamminerni Kalaallit Nunaanni Arsaattartut Kattuffiat pisussavoq arsaat naammattut isumagissallugit. Arsat dommerinit akuerineqassapput.

b Naggataarutaasunik unamminerni Kalaallit Nunaanni Arsaattartut Kattuffiannut tapiisartut arsat tunniussaata atorneqassapput. Tamanna Kalaallit Nunaanni Arsaattartut Kattuffiata isumagissavaa.

Stk. 3 Naggataarutaasunik unamminerni nukappiaqqanik arsanik aallertartunik peqarpat dommerip akuerissavaa ikinnerpaamik arsat 6 piareersimatinneqassasut.

Stk. 4 Meeqqat arsap angissusaa nr. 4 atussavaat. Inuusuttut (arnat angutillu), inersimasut (arnat angutillu) arsaq angissusaa nr. 5 atorlugu unammissapput.

§ 13

Unamminermut takkutinngitsoorneq

Stk. 1 Peqatigiiffik pequtissaqanngitsumik imaluunniit piffissaliunneqarsimasooq minutsinik 15-inik kingorqullugu unamminissaminut piareersimannngippat unamminermi dommeriusup unaminissaq taamaatissinnaavaa. Dommerip unamminissamut takkutinngitsoortoq ajorsartut oqaatigissavaa. Tamannalu dommerip ingerlaannaq Kalaallit Nunaanni Arsaattartut Kattuffiannut nalunaarutigissavaa.

Stk. 2 Tamatuma kingorna Kalaallit Nunaanni Arsaattartut Kattuffiata unamminermut ataatsimiititaliaata aalajangissavaa peqatigiiffik pineqartoq qanoq pillaatissinneqassanersoq.

Stk. 3 Pillaatissiissutigineqarsinnaasut sisamaapput:

- a) 0 – 3-mik ajorsartinneqarpoq
- b) 1000,- kr.-mik akiliisitaaneq
- c) Peqatigiffiup unammisinnaanerininik tamanik atorunnaasitsineq
- d) Ukiup sinnerani / tullianiluunniit peqataasinnaajunnaarsitaaneq

§ 14

Unammersuarnerup aningaasalersorneqarnera

Stk. 1 Unammisaqattaarnerit aningaasalersorneqarput peqatigiiffiit peqataatinniakkaminnut akiliutaannit, kiisalu Kalaallit Nunaanni Arsaattartut Kattuffiata tapiineratigut, Kalaallit Nunaanni Timersoqatigiit Kattuffiata ingerlatsinermut tapiissutai atorlugit.

Stk. 2 Naggataarutaasunik unamminerni GM aamma Cup.ini Kalaallit Nunaanni Arsaattartut kattuffiat unammianut illoqarfiup unammiffiusup avataaneersunut nerisaqarnermut inummut

ataatsimut 25.- kr.-nimik ulloormut tapiisassaaq. Tamanna atuuttarpoq unammaffiup ulloq aallartinneraniit ulloq unammiffiusoq kingulleq ilanngulugu.

Stk. 3 Kalaallit Nunaanni Arsaattartut Kattuffiata aningaasaqarnera apeqqutaalluni , Kalaallit Nunaanni Arsaattartut Kattuffiata unammesuarnerni tapiissutigisartakkani unitsikkallarsinnaavai tulliani unammisaqattaarnissap tungaanut.

§ 15

Pissartanngorniunnermi ingerlatseriaatsit

Stk. 1 Arsaannermi GM / arsaannermi Cup-imi cupsystem atorlugu ingerlanneqarsinnaapput – tassa ajorsartut tunuartarlutik – unamminerillu tamarmik ataasiaannarlugit ingerlanneqarsinnaallutik, semifinalit finalilu kisiisa pinnagit.

Stk. 2 Arsaannermi GM / arsaannermi Cup-imi nunap immikkoortiternera naapertorlugu ingerlanneqarsinnaapput peqatigiiffinit nalunaarsimasunit aallarniutaasumik unamminerit ingerlanneqarlutik, taava anngunniunnerit naggataatigullu naggataarutaasumik unamminerit.

Stk. 3 Malittarisassat makkua atuupput:

Peqatigiiffiup unammisartut amerlanerpaamik 20-it unammisorisinnaavai unammisaqattaarnerni ukunani:

- 1) Allarniutaasunik unamminerit
- 2) Anngunniulluni unamminerit
- 3) Nagataarutaasunik unamminerit

b. Unammisartut allattorneqarfianni unammisussat armerlassusaat naammatsillugit nalunaarutigineqarsimappata unamminerup taasuma iluani taarserneqarsinnaanngillat, amerlanerpaaffissaalli inorlugit nalunaarutigineqarsimappata unamminerup taasuma iluani ilaneqarsinnaapput atit naammattunngorlugit. (Aamma takuuk § 3 aamma § 4).

c. Unammisaqattaarnerni tullerni unammisartut allanik taarserneqarsinnaapput.

Stk. 4 Pulje-kkaarluni unamminerit imatut ingerlanneqassapput:

- 1) **Pulje-mi tassani imminnut tamarmik unammissapput**
- 2) **Ajugaasut pointinik 3-nik pissarsissapput**
- 3) **Naligiiginnarnermi holdit tamarmik 1 pointimik pissarsiisapput**
- 4) **Ajorsartut pointinnassanngillat (0 point)**
- 5) **Unammeqatigiit pointinnannerpaajusut pulje-mi ajugaasuussapput**
- 6) **Holdit marluk imaluunniit holdit arlallit pointimikkut assigiiginnarpata makkua atuutsinneqassapput:**
 - a) **Imminnut unamminerminni pointeqarnerit**
 - b) **Imminnut unamminerminni isertitsinerit nikinganeri**
 - c) **Unamminerit tamani isertitaqarnerpaajusimasut**
 - d) **Imminnut unamminerminni isertitsiffigitinnginnerpaajusimasut**

- e) **Unamminerni tamani isertitat nikinganerini amerlanerussutillit**
- f) **Unammeqatigiit (hold) unamminerni tamani isertitaqarnerpaajusimasut**
- g) **Unammeqatigiit (hold) unamminerni tamani isertitsiffigitinnginnerpaajusimasut**
- h) **Makitsineq**

Stk. 5 Semifinalimi assigiiginnarnermi. 3-nngorniunnermi aamma naggataarutaasumik unamminermi (finale) assigiiginnartoqarpat unammineq 2 x 15 minuttinik sivitsorneqassaaq. Tassani aalajangersumik pisoqanngippat isertitseriaqattaarnermik (straffespark) unammineq aalajangerniarneqassaaq. Unamminissat piareersaasiornerini taamalorsinnaanissat naatsorsuutigineqasapput.

Isertitseriaqattarnerni holdit tamarmik isertitseriartussanik assigiinnitsunik 5-inik pissarsisapput. Isertitseriartussat taakkuussaapput arsaannerup nalinginnaasumik naammassinerani arsaaffimmi unammisuusut. Holdinit tamanit tallimat isertitseriareerpata, holdillu sulii ajugaa-soqaratik assigiiginnarpata, isertitseriaqattaarnerit tulleriinnerit malillugit ingerlanneqasapput, holdip ataatsip amerlaqatigiinnik isertitseriaqattaarneri ataatsmik qaangerneqarnissaata tungaanut. Isertitseriaqattaarnerit kingulliit taakkua isimminneqartassapput tallimanit siulliullutik isertitseriaqattaartunit allaanerusunit. Isertitseriaqattaarnerit ingerlanneqarneranni málmandi ajutuussagaluarpat taarserneqarsinnaavoq.

Stk. 6 Naggataarutaasumik unamminerit aamma tamarmik imminnut unamminerannik aaq-qissuunneqarsinnaavoq, tamannalu pingasunik periarfissaqarpoq

- a) Holdi pointinnannerpaajusoq ajugaasuussaaq
- b) Pointinnannerit marluk ajugaaniutivitsinneqarsinnaapput
- c) Semifinalit imatut ingerlanneqarsinnaallutik nr. 1 nr. 4-mut unammilluni, nr. 2 nr. 3-mut unammilluni. Taakunani ajugaasut naggataarutaasumik (finale) unammillutik.

Stk. 7 Meeqqat unammisaqattasarnerini malittarisassat aaqqissuisunit GBU-p najuuttitaa suleqatigalugu nalimmassarneqasapput

Stk. 8 Unammersuarnermi pisortaassapput Kalaallit Nunaanni Arsaattartut Kattuffianniit peqataatitaasut.

15.9 Unamminermi ataatsimi 5-inik paarlaasoqarsinnaavoq.

Stk. 10 Naggataarutaasumik unammilernermi Kalaallit Inuiattut erinarsuutaat atorneqassaaq.

§ 16

Pillaatissiisarnerit

Stk. 1 Unamminermi anisitaasimagaanni unamminermi ataatsimi peqataasinnaajunnaarnermik kinguneqassaaq. Arsaattartoq unamminermi annertuumik kusanaatsumik pissusilersorsimanermi kingorna anisitaasimappat unamminermik ataatsimik amerlanersunik peqataasinnaajunnaarsinneqarsinnaavoq.

Stk. 2 Mianersoqqussutit marluk arsaattartumut unamminermi ataatsimi tunniunneqarsimap-pata arsaattartoq anisinneqassaaq, unamminermilu tullermi peqataasinnaajunnaarnermik kinguneqassalluni.

Stk. 2a Unammisartoq mianersoqqussutinik unamminerni tulleriiginnarni pingasuni tunine-qarsimaguni (unamminerit tamaasa mianersoqqussut ataaseq), tamanna unamminissap tulliani unammeqataasinnaajunnaarnermik kinguneqassaaq. Unammeqataasorli unamminermi tassani anisinneqassanngilaq, aatsaalli aappasaanik mianersoqqussummik tunineqaqqikkuni anisinneqassalluni., imm. 2 najoqqutaralugu.

Stk. 2b Unammisartoq unamminermi ataatsimi ilaasinnaajunnaarnera unammersuarnermik aqutsisoqarfimmit unammisartup aqutsisuiunut allakkanik tunniussinikkut nalunaarutigissavaat unamminerup naammassineranut atatillugu.

Stk. 2b Unammisartoq unamminermi ataatsimi mianersoqquneqarsimanngikkuni mianersoqqussutitut siusinnerusukkut katersarisimasaralui atorunnaassapput.

Stk. 3 Unammisartoq, sungiusaasoq aamma sungiusaasup ikiortaa, arsaaffiup iluani imaluun-niit arsaaffiup avataani sakkortuumik assuarnartumik iliuuseqarsimappat, tamanna peqataa-sinnaajunnaarnermik pillaatissinneqaataasinnaavoq.

Stk. 3a Taamatut pisimasoqartillugu unamminermi dommeriusut pisussaapput piaartumik unammersuarnermi aqutsisunut nalunaarusiussalluni. Taakkulu pisussaapput GBU-p siulersuisuiunut piaartumik nalunaaruteqassallutik.

Stk. 4 Arsaattartoq 16.1 aamma 16.3 malillugit unamminermik ataatsimik amerlanerusunik unammisaqattaarsinnaanngitsutut aalajangiiiffiqarsimappat, taakkua unamminerit amer-laqataat pereerpata aatsaat unammeqataaqqissinnaalissaaq.

Stk. 5 Peqatigiiffik unioqqutitsilluni arsaattumik ilaatitaqarsimaguni unioqqutitsilluni arsaat-tumik atuineri tamarmik ajorsarnermik kinguneqassapput, unammineq ataaseq naleqarluni 0 – 3.

Stk. 6 Unammisaqattaarnerit allaqqaataaniit ingerlanneranni mianersoqqussutit anisitaanerilu ingerlaqqinnerit tamaasa attorunnaarsinneqartassapput (aallaqqaataasuniit, anngunniunnerniit naggataarutaasunik unamminerni tamani).

§ 17

Naggataarutaasumik unammersuarneq

Stk. 1 Naggataarutaasumik unammesuarnermi aaqqissuisussatut toqqarneqarsimasut pisus-saapput immikkut ittumik Kalaallit Nunaanni Arsaattartut Kattuffiat isumaqatigiissusiorffigis-sallugu, tassani erseqqissarneqassallutik naggataarutaasuni unamminerni akisussaasuullutik aqutsisuusut aammalu GBU-mi attaveqaataasuutitaasoq.

Stk. 2 Isumaqatigiissutip makkua imarissavai: Unammiartortut ineqartinneqarnissaat, dom-merit ineqartinneqarnissaat, unammiartortut ullormut ataasiarlutik kissartunik nerisaqartinne-

qarnissaat, unammiartortut dommerillu tikinneranni aallalernerannilu angallanneqarnissaat, arsaattartut dommerillu atisaajartarfeqarnissaat uffarfeqarnissaallu, kiisalu arsaattarfiup piimasaasut nalinginnaasut malillugit unamminermiit unamminermut tullermut piareeresimanis-saa.

Juni 2017